



續資治通鑑綱目卷之二十三

史官陳仁錫評閱

起庚辰元世祖至元十七年盡  
甲午元世祖至元三十一年

凡十五年

庚辰

**元世祖文武皇帝**

至元十七年春正月詔覈

阿里海涯所俘戶口放為民

生德

時阿里海涯下荆南江西廣西海南之地得  
州凡五十八峒夷山獠不可勝計行臺御史  
言其俘獲三萬餘人悉役為奴自置吏治之  
責其租賦詔行臺御史大夫相威檢覈之悉

放為民既而御史中丞崔彧亦言其總制兵民子弟親黨分列要路威權太盛宜罷其職并轉徙其黨勿令久據荆湖不聽

**發明**

臯陶謨曰都在知人在安民禹曰吁成若時惟帝其難之知人則哲能官

人安民則惠黎民懷之蓋天之立君所以為民臣之事君所以輔治海涯攻城畧地俘獲甚眾悉役為奴置吏自治則其於知人安民之事有虧耳世祖能知其弊特詔覈之既得其實悉放為民則亦庶幾有革故之心而無愧於臣民之主者矣綱目特

揭而書之于冊者所以深嘉而亟予之也

在元為功  
為忠在宋  
為逆為惡

# 都元帥張弘範卒

謚獻武

**發明**

弘範勤勞王家功施社稷多矣誠可  
以超卓乎諸將之先者今綱目特書

爵書卒所以表其忠  
勤之績以示勸耳

## 三月帝如上都

**發明**

易曰君子以作事謀始始焉不謹後  
必難制是時元都燕京宗社係焉百

官居焉縱使上都乃祖宗之地既都于燕  
則彼當為行在安可復如上都乎世祖混

一天下，則是臣妾億兆，師表百僚，普天之下，莫非王土，率土之濱，莫非王臣，要當勵精圖治，貽厥孫謀可也。四海甫平，卽事遊幸，事旣不能謀之於始，遂使後世子孫，循其故轍，習以爲常，浸淫至於亡國而不止。悲夫！安有天子屢爲遊幸，而可以君天下乎？古者天子巡狩，固有常規，自春秋之時，斯禮已廢，世祖豈巡狩哉？故直書以深譏之。

○遣使窮河源

招討使都實受命行，四閱月始抵其地，旣還，圖其形勢來上，言河出吐蕃，朶其恩，西鄙有

好大喜誇  
并務所急

泉百餘泓。方可七八百里。沮洳散渙。不可逼視。登高望之。如列星然。名火敦腦兒。火敦腦兒。華言星宿海也。群流奔轆。近五七里。匯爲二巨澤。名阿刺腦兒。自西而東。連屬成川。號赤賓河。又合亦里赤。忽蘭也。里木三河。其流寔大。始名黃河。又岐爲八九股。行二十日。至大雪山。名騰乞里塔。卽崑崙也。由崑崙南至闊卽及闊提二地。始相屬。又經哈刺別里赤兒之地。合細黃河及乞兒馬赤二水。北行。復折而西流。過崑崙北。又轉而東北。行約二十餘日。至積石。始入中國。云約自河發源。至中國。計及萬里。然其間溪澗流絡。莫知紀極。崑崙之西。人跡簡少。而山皆草石。至積石方林木茂暢。世言河九折。蓋彼地有二折焉。

廣義 河始于開闢其遷徙不常有非人力  
之所能致元人窮其源無益也不然

大禹施功何其訓刻其源其賦賦至  
自積石始乎人中國云

# 陝西運使郭琮等殺安西王相趙炳詔逮琮等

## 誅之

初安西王旣薨召炳入見因言運使郭琮郎  
中郭叔雲不法帝怒遣使偕炳往案其罪至  
則琮等矯世子阿難答旨叔炳及妻子囚之  
崆峒山炳子仁榮訴之詔卽遣使馳往脫炳  
且械琮黨偕來琮留使者先遣人毒炳於獄  
中帝聞之大怒琮至親鞠之伏辜命仁榮手

刀琮及叔雲于市籍其家畀之仁榮曰不共戴天之人所有何忍受之帝稱善別賜鈔二

萬緡為

治喪具

**發明**

殺殺無罪也天子在上百官守法黜陟賞罰雖各有司亦當稟命故一人

橫行於天下武王耻之琮等忿炳奏其不法私自殺之則是上無天子下無方伯而

亂臣賊子肆其欲而無禁天下其可得而治乎世祖親自推鞫手刃于市其討賊之

意得矣故書誅以正其罪

秋七月以郝禎耿仁為左丞



阿合馬貪橫益肆，援引二人，驟升同列，交爲  
蒙蔽，培歛日急，內通貨賄，外示威刑。廷中相  
視無敢言者。

# 八月集賢大學士兼國子祭酒許衡致仕

衡以疾乞致仕，皇太子請以其子師可爲懷  
孟路總管，以便侍養，且遣使諭之，曰：公毋以  
道不行爲憂也。公  
安則道行有時矣。

**發明**

凡書致仕，予知止也。夫以四十五十

而無聞，固君子之所愧，立乎人之本  
朝而道不行，亦君子之所耻。與其苟祿於  
朝，曷若引身而退。今衡以疾致仕，則庶幾

行知止之心焉。回視貪位慕祿苟焉無耻者。豈不大有逕庭乎。既具其官。又曷致仕。蓋予之也。

**廣義**

魯齋當世道方隆之時。而能以道自處。其賢蓋可知矣。孟子曰。周于德者。

邪世不能亂。其魯齋乎。

翰林學士承旨姚樞卒

謚文

獻

九月帝還大都。○冬十月。以阿剌罕為右丞相。

# 復大發兵擊日本

可為好遠  
切之戒

初帝屢遣使往通日本不納乃命鳳州經畧使忻都伐之無功而還復遣禮部侍郎杜世忠等使其國亦不報且執世忠等殺之至是命阿剌罕為右丞相范文虎洪茶丘等為右丞李庭張瑄都叅知政事並行中書省事率師十萬以往時高麗王昡來朝願益兵併擊之加昡行省右丞相

**發明**

復者已甚之詞所貴乎天子者以其禁暴誅亂而已書稱亂征之言曰今

予以爾有眾奉將天討爾眾士同力王室尚弼予欽承天子威命無非奉天伐暴之

師故曰三代之師若時雨今日本窮荒  
夷初無跋扈如有苗又無怠政如羲和  
爲窮兵黷武較勝於遠夷乎世祖初平天  
下而志存征伐遂使繼世之君襲爲故事  
稱干比戈其禍可勝言哉故不曰討而曰  
擊一以見日本無罪一以譏元之黷武其  
義一深切  
而著明矣

# 十一月行授時曆。

郭守敬等以爲金雖改曆止因劉宋之曆微  
加增益未嘗測驗於天况冬至者曆之本而  
求曆本者在驗氣沐宋舊儀今多不協乃與  
南北日官陳鼎臣等創造儀像圭表爲器凡

十有三、復遣監候官十四人分道測驗、凡二  
才七所、徧參曆法、酌取中數、成新曆上之、言  
自漢以後、曆法經七十改、創法者十三家、今  
所考正者凡七事、所創法者五事、其法視古  
皆密、而又悉去諸曆積年月日法之傳會者  
一本、天道自然之數、可以施之永久而無弊  
曆上、賜名曰授  
時、頒之天下、

### 平章政事廉希憲卒

希憲自江陵以疾召還、太子遣使問之、希憲  
曰、臣病無足憂、所憂者大姦誤國、群小附之  
病之大者也、大德間贈太師恒陽王、謚文正、  
伯顏曰、廉公宰相中真宰相、男子中真男子、

世以爲  
名言

十二月殺江淮行省平章政事阿里伯右丞燕

帖木兒左丞崔斌

誣殺有功大臣付之  
不問時事  
可知矣

斌既發阿合馬姦蠹海內稱快未幾斌遷江  
淮行省左丞阿合馬慮其害已乃奏理筭江  
淮行省錢穀誣構斌與阿里伯等盜官糧四  
十萬及擅易命官八百餘員命都事劉正等  
往案獄弗具復遣參政張澍等雜治之竟寘  
斌等于死斌有文學達政術副阿里海涯取  
荆湖廣海屢建大功多所全活太子聞殺斌  
方食投箸惻然遣使止之不及天下寃之

發明

嗚呼世祖之於政刑蓋亦濫矣是時阿合馬專權自恣兇焰虐人無敢發其奸者斌獨明之天下稱快合馬憤怒誣陷抵罪然阿里伯等之死乃出于阿合馬之手綱目槩而書之何耶夫人君廣開四聰明見萬里今乃使忠貞之臣爲奸邪所陷而不知則亦可謂不君之甚矣書法如此世祖安能逃其不明之責乎噫君子不幸而處斯世不能儉德避難以遠小人之虐豈不深可哀哉書殺而皆不去其官罪累上也

昭文館大學士竇默卒

賢

世祖知人

默爲人樂易。平居未嘗出一言方人物。至論國家大計。面折廷諍。人謂可比汲黯。帝嘗曰。朕求賢三十年。得一竇漢卿。及李俊民。又曰。如竇漢卿之心。姚公茂之才。合而爲一。可謂全人矣。累贈太師封魏國公。謚文正。

**廣義**

分註載世祖論姚竇二公之言。其於知人之道。蓋庶幾矣。

漳州民陳桂龍兵起。命福建都元帥完者都等擊走之。

桂龍及其兄子陳弔眼。有衆數萬。屯高安砦。處之。命完者都及副帥高興討之。時建寧賊

元世祖

元世祖至元十七年

續編



因方于賊  
妙

誘盡矢石  
更妙

黃華勢猶猖獗完者都先引兵壓其境軍威  
大振華驚懼乞降完者都奏以華為副元帥  
凡軍行悉以咨之桂龍等乘高為險人莫敢  
進與命人挾束薪進至半山弃薪退如是六  
日誘其矢石皆盡乃蕪薪焚  
柵斬首二萬級桂龍遁走

**發明**

兵起何盜也曷為不曰作亂而以兵  
起書元故夷狄也然則曷為不書起

兵眾詞也桂龍之起本為倡亂非純於攘  
狄與起義者微異矣蠻夷擾邊不書寇盜  
賊作亂不書反綱目之外夷狄嚴哉王莽  
篡漢悖逆人人可誅故書州郡兵起金虜  
海宋跋扈人人可攘故書山東兵起蓋元  
起自沙漠又非王莽臣子之比一統天下